

**1. პროგრამის სახელწოდება:** თურქოლოგია

**2. პროგრამის ხელმძღვანელი:** სრული პროფესორი მარია ჯიქია.

**3. მისანიჭებელი აკადემიური ხარისხი:** თურქოლოგიის მაგისტრი/ MA in Turkish Studies

**4. პროგრამაზე დაშვების წინაპირობა:**

- ჰუმანიტარულ მეცნიერებათა ბაკალავრის ხარისხი თურქული ენისა და ლიტერატურის, ან ისტორიის სპეციალობით.
- პროგრამაზე დაშვება შესაძლებელია მხოლოდ ერთიანი სამაგისტრო გამოცდის ჩაბარების შემთხვევაში.
- სამუშაო გამოცდილება არ არის სავალდებულო

**5. სამაგისტრო პროგრამის საკვალიფიკაციო დახასიათება:**

**მიზანი:** დღევანდელ მსოფლიოში დღითიდღე მატულობს პოლიტიკური, ეკონომიკური და კულტურული ინტერესი აღმოსავლეთის ქვეყნების მიმართ, რასაც განაპირობებს ამ ქვეყნების მზარდი პოტენციალი და როლი გლობალური პრობლემების გადაწყვეტაში. დღეს ორიენტალისტიკური კვლევითი და სასაწავლო ცენტრები იხსნება დასავლეთის იმ ქვეყნებში და უნივერსიტეტებში, სადაც აქამდე ასეთი ინტერესი არ არსებობდა. მთელს მსოფლიოში შეიმჩნევა მოთხოვნილების ზრდა აღმოსავლური ენების სპეციალისტებზე.

ქართული ორიენტალისტიკური სკოლა კი ცნობილი და აღიარებულია მსოფლიოში და ქართველი აღმოსავლეთმცოდნეები დღესაც დიდი ავტორიტეტით სარგებლობენ სამეცნიერო წრეებში. აღმოსავლეთმცოდნეობის სკოლის სათავეებთან მდგომ დიდ ქართველ მეცნიერებს კარგად ჰქონდათ გააზრებული ამ სკოლის განვითარების გამორჩეული როლი. აღმოსავლეთთან მეზობლობა და მჭიდრო ურთიერთობა ბუნებრივად მოითხოვს ჩვენი ქვეყნისგან სათანადო პრობლემატიკისა და ცოდნის ფლობას, რაც აღმოსავლეთმცოდნეობას საქართველოსათვის სტრატეგიულად მნიშვნელოვან დარგად აქცევს.

თურქული ენა ივ. ჯავახიშვილის სახელობის თბილისის სახელმწიფო უნივერსიტეტში ისწავლება დღიდან მისი დაარსებისა ჯერ ფილოლოგიის ფაკულტეტის ფორმატში (აკაკი შანიძე, სერგი ჯიქია), 1945 წლიდან კი ქართველ ორიენტალისტთა ინიციატივით დაარსებულ აღმოსავლეთმცოდნეობის ფაკულტეტის აღმოსავლური ფილოლოგიისა და საერთაშორისო ურთიერთობების განყოფილებაზე. აღმოსავლეთმცოდნეობის ფაკულტეტის დაარსებიდან მოყოლებული თურქოლოგიის კათედრა ამზადებდა აღმოსავლეთმცოდნე – ფილოლოგებს.

მიმდინარე სამაგისტრო პროგრამა ორგანული გაგრძელებაა საბაკალავრო major პროგრამისა თურქულ ენასა და ლიტერატურაში. იგი მოამზადებს თურქოლოგიის მაგისტრს, რომელსაც ეძლევა ფილოლოგიური, ისტორიოგრაფიული, ქვეყანათმცოდნეობითი კომპეტენციები. პროგრამა შეინარჩუნებს და გააძლიერებს ქართული ორიენტალისტიკური სამეცნიერო სკოლის ტრადიციებს და მოამზადებს მაგისტრებს როგორც საკუთრივ თურქოლოგიური, ისე ქართველოლოგიური კვლევებისთვის.

**შედეგები:** მიმდინარე სამაგისტრო პროგრამით მომზადებული მაგისტრი იქნება ერუდირებული სპეციალისტი, მიღებული ექნება შესაბამისი სისტემური ცოდნა სპეციალობის განმსაზღვრელ ძირითად ზოგადთეორიულ და პრაქტიკულ დისციპლინებში იმ მოცულობით, რაც აუცილებელია კვალიფიკაციის მისაღებად დადგენილი სტანდარტების დასაძლევად. ასევე მას შეეძლება დარგის მომიჯნავე სფეროებში გარკვევა.

მაგისტრს ექნება ფუნდამენტური სამეცნიერო და პრაქტიკული მომზადება, სრულყოფილად იქნება დაუფლებული ადმოსავლური (და კერძოდ, თურქული) ფილოლოგიის სპეციალობას, შეეძლება მიღებული მეცნიერული ცოდნის, უნარ-ჩვევების პრაქტიკული გამოყენება. მისი კომპეტენცია მიწვდება სხვადასხვა ლიტერატურული და ლინგვისტური გამოკვლევებისა თუ კონცეფციების შეფასებას.

მაგისტრს ექნება უნარი სამეცნიერო ინფორმაციის ეფექტურად მოპოვებისა როგორც პირველადი, ისე მეორადი საინფორმაციო წყაროებიდან, მათ შორის ინტერნეტის გამოყენებით, ასევე ამ ინფორმაციის დამუშავებისა და სინთეზისა ინოვაციური მეთოდების გამოყენებით.

შეეძლება საბიბლიოთეკო, საარქივო და სამუზეუმო ფონდებზე მუშაობა, სამეცნიერო შინაარსის ტექსტების რედაქტირება, რეფერირება და რეცენზირება, პუბლიკაციისათვის ხელნაწერებისა და სამეცნიერო დოკუმენტების მომზადება, კომენტირება, ანოტირება.

**დასაქმების სფეროები:** კურსდამთავრებული შესაძლებელია დასაქმდეს:

- უმაღლეს საწავლო დაწესებულებებში სასწავლო პროცესის დამხმარე-ტექნიკური საქმიანობისთვის,
- სამეცნიერო დაწესებულებებში (კერძოდ, ადმოსავლეთმცოდნეობის, ხელნაწერთა, ენათმეცნიერების, ქართული ლიტერატურის, ისტორიის ინსტიტუტებში),
- გამომცემლობებში,
- მასობრივი ინფორმაციის საშუალებათა სისტემებში,
- ბიბლიოთეკებში,
- არქივებსა და მუზეუმებში,
- სახელმწიფო და საზოგადოებრივ ორგანიზაციებში ყველა იმ თანამდებობაზე სამუშაოდ, რომელიც გათვალისწინებულ იქნება მაგისტრის ხარისხის მქონე სპეციალისტათვის.

მათ შეუძლიათ, აგრეთვე, იმუშაონ დიპლომატიურ სარბიელზე საელჩოებსა და საგარეო საქმეთა სამინისტროში, ასევე თარჯიმნებად, რისი მოთხოვნილებაც დღევანდელი საქართველოს “შრომით ბაზარზე” არსებობს.

**სწავლის გაგრძელების საშუალება:** მაგისტრს შეუძლია სწავლა გააგრძელოს დოქტორანტურაში.